

A G L A I T
I L L U N A I N O R T U T.



Nr. 4

Nain, April 1902.

Nr. 4

P a s s a m i k.

Piulijivut Jêsuse tokotaungmat Jerusaleme, Judit uvloksiorviksangita illangat: aularviksiorvik upvalo Passa nelluutisimavok. Uvloksiorvik tamaña erkaumajauviksauvok Judit aulalaungningañut Egiptenemit jârit 1500 kassait Jêsusib sakkerningata sivorngane. Illijautainarninganik unipkârtokarpok Mosesib aglangine. Atuars. 2 Mose Kap. 12, 1 - 43.

Israëlitille nunakarmatta Kanaame, tempelekarmat, illutsit sunatuinait ablatsaulilaukput sivorngauemit. Illusekarninganik Jêsusib uvlungine unipkautijomavapse máña.

Takkerub Nisanib uvlungita 14ningane sekkinnek nippilermat, saugârsuit aularviksiorutiksat tokotauvut tempelib kañitangane, avaluksoangita illuane, inuille iglungineungitok. Angutit illûnatik „ivsornalungitut” tokkotserkojauvut saugârsungnik makkoniga, ajokertuijut Levitillo sapperajalaungmatta saukat illûnaita tokolugit unurmut. Taimak saukat tempelib kañitangane kissiane tokotaungmatta, ajornarsivok iglut upkoangit mingoarlugit aungañut, kovijaulerpok tagva tunerguservingmut, saukkallo orksungat ikkitaavok tunerguservingme.

Tokotaumajut nerkingit Israélitit angerautivait iglomingnut. Tagvane jarrataurkârlutik nerrijaúvut kitorngarênut iglomiökatigênullo. Amiakokalerangat nerrijaungitomic, ikkitaksauvok tagvainak, saugârsungmit aularviksiorutiksamit amiakokarkojaungimat uvlub aipanganut. Saugab nerkinga iggajaurkojaungilak, jarratuinarlugo nâmanersaungmat ajornanginersaungmallo ingergajûnut. Jarrasimajomic nerrivlutik Israélitit erkau mavavut atâtagilauktamingnik ingergajunik Egiptenemit Kanaamut. Israélitit Jerusalemiöngitut nerriviksakartitaukattarput Jerusalemiut iglungine, illangille tangmarsöngovut iglogasaksuit erkâne, saugak aularviksiorutiksak nerrivlugo tupperme.

Jêsuse Jerusalemiölaunginivok. Uvlôtillugo kattimaviksoarmékattaralloarpok, unulerangalle aulasöngovok Jerusalemit Betaniamut, siniktarlune Lazarusib iglungane. Saugârsab aularviksiorutiksab tokotaujuksauvia nelhiutingmat, Jêsusib Petruselo Johañeselo âkiksoijartorkovak tagva saugârsungmik Jerusaleme. Atuarsilerit Luk. Kap. 22, 7 - 12.

Nerrickatigêt iñalertillugit angajokângat tuksiarpok kujalitiksanic, illûnatiglo nellikârlutik immerput ermgu-siârsungmit wainëlingmit. Kingorngane ubvarput äggamingnik nerrilerlutiglo perortunik kassilinartunik (tuglerunaujártunik.) Kassilinarmatta nerrijut erkaititauvut Israélitit pagvisartitaulaungninganic kassilinartomic Egipteneme. Taimailiortillugit atuarsijokarpok. Tâмна sorairmat, ermgu-siârsuk aipanga atortauvok. Inósuktut illangata angajokâk apperiva, nerrimârvik tamaña kanok pitjutekarmangât, kanorlo tukkekarmangât, angajokâblo

unipkautivâ Passab illijautainarninganik. Nertordlerutiksatsat (inger. 113. 114.) atortillugit immilerivut illûnatik nellekârîlutik. Kingorngane angajokâb kakkôjak tiguvâ kujalivlunelo avgorpâ nerrekatigêllo nerrilerput kakkôjanik saugârsablo nerkinganik. Nerrijarêrmatta, angajokâk aggane ubvarpait kujalitiksanglo okarlune tigusivok ermgusiârsungmik pingajuanik, „saimanartomik” taijaujomik, iglomiôkatinelo immerkovait okautivlugit: „Illûnase tagvangat immeritse!” Sorairutiksamat ingerut 115 malliktingillo atortauvut. Tamakkoangovut tuksiarutsit nertordlerutiksatsat taijaujut Matt. Kap. 26, 30.

Itsaksoarme Israêlilit illûnamassiatik nerrikataulauput aularviksiorutiksamik. Nunakarmattale Kanaame, sorutsit jârekangitut sulle 12nik nerrikataurkojaungilat. Nerrikataurkojaunginivut illûnatik perkojat malliklugit ivsornarnerartaujut. „Nellialle ivsornartitaulerpat tokungajomut taimaitomullônêt (aularviksiorvik nelliusimattillugo) tâpsoma takkerub aipangata uvlungita 14ningane saugârsuk aularviksiorutiksak nerrijaxsarivâ.” Tagva tukkisivogut, taimaitunut, ivsornarnermut illaujungnangitunut uvloksiorvigusekarmingmat wochit 4 kingorngane. Opinaranele uvloksiorvigusek tamaña illaujominallungilak uvloksiorvimmariktut. Tamaña pivlugo Jêsusib passijingit itteromangilat Pilatusib iglunganut. Pilatusellojôlaukpok, itterlutik Pilatutib iglunganut ivsornartitauvut, ivsornartitauvlutigle illaujungnangilat uvloksiorvingmut. Illautailititaujomangimut ittilungilat tagva.

Saugârsuk aularviksiorutiksak nerrijauvok Nisaneme 14me, uvlulle 7 tamattoma malliktingit uvloksiorviogivut, „sêrnarsautekangitunik kakkôjartorvingunik” taijau-

jut. Kakkójat sernarsautekangitut kissimik nerrijaxsautut uvlune tamakkonane pijokalauktut itsaksoarme erkauma jauniksangañut. Israélitit aularamik Égiptenemit, tuavinut neksariakarput kakkójaxsanginginik puvjulerkártingit, kakkójanik sernarsautekangituuik nerrijariakarput tagva.

Illutsit tamakkoa illúnatik sakkertitsivut, Israélitit kujalidlarlutik uvloksiormatta atátagilauktamik piulijauvaningañik Gúdib tattamnartullininganut, aularviksiorvekalerangat. Nellonalungilarle nerrimárvik saugársungmik aularviksiorutiksamik pijariakortoluarmat tamainit. Tattamnarmék Gúdib aulatsininga! Jêsus, Gúdib saugársunga, sillaksoarmiut illúnatik ajorninginik nangmartok, tokotauvok uvloksiorviksoarme aularviksiorvingme, issokarniangitomatik piulijauviksamik piniarutjilune sillakscarmiunut tamainut. A. M.

K a u j i j a k s a k .

Aglársuit ukkua taimátsainak járe tamát nênerasuarpavut agviartokaluangipat, tussugivavullo angajokát illúnatik iglogêne pilerkovlugit tamakkenirga. Akkekartilungigalloarlugit okauseomajomik, sulle tussuvogut [illapše illanginut ivlerijaukpaatta] piutiksársungmik tunitjerkovluse illangañe aglársuit ukkua tunganeliutiksangañut, taimák tussuvogut ajornangipat ajungikupselotauk kissiane. Taimák sakkertatarningit nellc nanggitaunajarput, sapperajanginapta señalugit, nênertjutit allakapsajallo akkekangitomatik pigijungnanginaptigik. Tunergutit taimaitut angijojariakangilat, tillijaujuksavullo Schmittemut Nainemetomut.

A. M a r t i n , C. S c h m i t t .